

10. april 2019

UPA2019/55

**Aasakut nalunaaquttap atorunnaarsinnissaa suliniutigileqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Justus Hansen, Demokraatit)

Siumumiit Inatsisartunut ilaasortap Justus Hansenip "aasaanerani" nalunaaquttap atorunnaarsinnissaanut siunnersuuteqarneranut qujavugut.

Nalunaaquttap aasalernerani siuartittarnera ukiukkullu kinguartittarnera ileqquliutiinnapajaarsimasarput aningaasarsiornikkut sipaaruteqartarnissamik aallaaveqarpoq. Taamaattumillu tamanna nunatsinnut aningaasaqarnikkut qanoq sunniuteqarsinnaanera nalilersorluartariaqaripput Siumumiit oqaatigissavarput.

Siumumiit ilisimaarivarput EU-p ukioq kaajallallugu nalunaaquttap nikisinneqartarani ingerlasarnissaa atuutsilersinniaraat. Taamaatumik Siumumiit pissusissamissamisoortutut isigaarput atorunnaarsitsinissaat peqatigalugu nunatsinni atorunnaarsitsinissap inissinneqarnissaa.

Taamaattumik ataatsimiitsitaliami peqqissaartumik EU-p allannguinissaa peqatigalugu suliaq manna inaarsarneqarsinnaanissaa inassutigaarput.

Taama oqaaseqarluta aalajangiiffigisassatut siunnersuut ataatsimiitsitaliamut susassaqartumut aappasaaneerneqartinnani suliarineqarnissaa inassutigaarput.

Karl-Kristian Kruse, Siumut